

---

**Vannastavna radionica OSCE-a na temu:  
„Međunarodno kazneno pravo i tranzicijska pravda“  
POZIV ZA DOSTAVU PRIJAVA ZA UČEŠĆE**

Misija OSCE-a u Bosni i Hercegovini organizuje vannastavnu Radionicu o međunarodnom kaznenom pravu i tranzicijskoj pravdi.

Radionica je osmišljena kao napredni program obuke zasnovan na vještinama, za studente starijih godina pravnih fakulteta, kao i fakulteta kriminalistike i kriminologije, na bosanskohercegovačkim univerzitetima, kako bi stekli ključna znanja na području prava i kako bi se mogli zaposliti na pozicije koje su vezane za tranzicijsku pravdu i međunarodno kazneno pravo, uključujući pravosudni sektor, te kako bi bili spremni baviti se konkretnim pitanjima koja proizilaze iz predmeta ratnih zločina ili su u vezi s njima.

Pored toga, ova Radionica poslužiće i kao forum za diskusiju o tekućim pitanjima u ovoj oblasti, s ciljem promocije zakonitosti i prihvatanja međunarodnog kaznenog prava i njegove primjene u Bosni i Hercegovini, kao i za diskusiju o njegovoj ulozi u širem kontekstu tranzicijske pravde, kao dalekosežnim mehanizmom rješavanja događaja iz prošlosti.

Kroz ovu Radionicu studenti će direktno dobiti priliku da kroz praktične primjere steknu znanja i vještine o tehničkim aspektima od istaknutih pravnika i drugih stručnjaka na polju tranzicijske pravde u ovoj državi. Studenti će takođe steći znanja o tehnici praćenja sudskih postupaka i značaju praćenja u smislu osiguranja nepristrasnosti, transparentnosti i pravednosti u procesuiranju predmeta ratnih zločina u BiH i šire.

I na kraju, ova Radionica pružiće priliku studentima da saznaju pojedinosti o važnom radu Misije OSCE-a u BiH i njenoj centralnoj ulozi u izgradnji snažnog pravosudnog sistema u Bosni u Hercegovini, te osiguranju pravednog procesuiranja predmeta ratnih zločina, u skladu s međunarodnim standardima.

## **STRUKTURA**

Radionica se sastoji od 12 sedmičnih sesija od kojih svaka traje po tri sata, a održavaće se u periodu između oktobra i decembra 2016. godine. Studentima će se prije početka Radionice dostaviti materijali koji opisuju složena činjenična stanja, te materijali s konkretnim temama, koje će morati pročitati i pripremiti unaprijed za diskusiju. Sesija će se sastojati od kratkog teorijskog dijela koji će voditi pravnik ili stručnjak iz oblasti prava. Nakon toga će uslijediti simulacijska vježba po manjim grupama studenata u kojoj će se tražiti od studenata da primijene znanje koje su stekli čitanjem ili tokom teorijskog dijela sesije. Na kraju, studenti će se još jednom okupiti zajedno s pravnikom kako bi vodili interaktivnu diskusiju o ishodima simulacijske vježbe. Tokom zadnje sesije, učesnici će pokazati znanje i vještine koje su stekli u vježbi simulacije rada suda.

Potvda o završenoj obuci, s istaknutim postignućima, biće dodijeljena studentima koji uspješno okončaju ovaj program.

## KO SE MOŽE PRIJAVITI

Radionica će se održati u Sarajevu i namijenjena je studentima minimalno treće godine dodiplomskih pravnih studija, kao i studentima magistarskog studija. Želimo potaknuti studente na svim univerzitetima u Bosni i Hercegovini da se prijave na ovu besplatnu obuku. Međutim, nažalost, u ovom trenutku Misija OSCE-a nije u mogućnosti da pokrije putne troškove i troškove smještaja studentima koji žive van Sarajeva. Napominjemo da će radni jezici biti BHS jezici i engleski jezik, te je radno poznavanje svakog od ovih jezika neophodno za učešće u Radionici. Budući da je format radionice intenzivan i zasnovan, prvenstveno, na studentskoj interakciji i učešću, **prisustvo na svakoj sesiji je obavezno radi uspješnog okončanja obuke**. Stoga svi studenti koji smatraju da neće moći prisustvovati jednoj ili više sesija ne trebaju se prijavljivati.

## KAKO SE PRIJAVITI

Prijave se podnose isključivo na engleskom jeziku.

Zainteresovani kandidati trebaju poslati motivaciono pismo i biografiju na email adresu: [ICLTJWORKSHOP@osce.org](mailto:ICLTJWORKSHOP@osce.org), do 12:00 sati 30. avgusta, 2016. godine. Prijave pristigle nakon navedenog vremena i datuma neće biti razmotrene.

Motivaciono pismo treba sadržavati najviše 500 riječi i pružiti odgovore na sljedeća pitanja:

- 1) Zašto mislite da ste dobar kandidat za ovaj program?
- 2) Na koji način vaše proteklo iskustvo i vaši budući ciljevi imaju veze s ovim programom?
- 3) Na koji način mislite da će vam ovaj program pomoći u vašoj zacrtanoj karijeri?

Na osnovu dostavljenih prijava, Misija OSCE-a će odabrati do 20 učesnika.

## KONTAKTI

Dodatna pitanja u vezi s gore navedenim možete uputiti na [ICLTJWORKSHOP@osce.org](mailto:ICLTJWORKSHOP@osce.org)